



*Minggu, 20 September 2020*

**Ogen: Kuan-kuanen 31:13-27**



**MAKEKEN TALENTA**



Teptep jelma ibere Dibata kebeluhen si khusus. Erdandanken si e maka i bas ilmu pendidikan genduari lanai bo lit ikataken sekalak murid sekolah bodoh erkiteken kerina nge pentar, saja jenis kepentarena nge si la bali. Lit beluh ilmu pasti, lit beluh ilmu sosial, seni suara, tata boga, pertukangan ras si debanna. I bas kerina kebeluhen si ibere Dibata enda maka arus si eteh si apai si ibere Dibata man banta. Janah adi enggo si eteh si e me si perlu sipakeken ras si kembangkan. Janah enda me kunci keberhasilen i bas erusaha. Adi si perdiateken enda me si lit i bas pemetehtemanta suku Tionghoa. Sope ia berusaha ininna ku ja bakat ras talentana. Saja perban megati iraduken praktek perdukunen lanai siakap menarik. Situhuna kerina kita banci berhasil adi si eteh kai pemere si khusus e man banta. Labo kita kerina talenta erbinaga. Pernah ku idah sekalak perbiga enggo pe kita jekjek tedis bas kede e, labo isungkunna pe kita. Sinik saja ia. Diatena pe lang si nukur, padahal ia man ije nari. Kune lit kede saingenna si mehamat ras mekacar minter kal tadingken kalak kedena ndai. Emaka tandailah dirinta ras pemere Dibata si khusus man banta.

Bage me ndai diberu si turiken i bas renungenta enda, maka isamping erbintuas ia, tetap itambahina kepentarena, seh maka melala kepentaren si idatna, rikutken ras talenta si ipakekenna janah enda jadi asamna ngalaken kerina musim. Musim kai pe reh enggo sikap ia ngalakenca.

Ngusih diberu si cerdas enda ndai me arusna kita, alu nggit terus erlajar mpetasaki pemetehta sebab erbage kecibal si langa si antusi reh ku bas kegeluhen enda. Tapi kita nggit terus erlajar maka talenta si ibere Dibata banci tetap sipake banta ras man kalak si deban. Alu bage la kita juru ntah pe talu ibas kerina paksa sir eh. DIngen banci kita jadi usihen ras motivasi man kalak sideban.